



Universitätsbibliothek Paderborn

V. P. Gasparis Druzbicki, Societatis Jesu, Opera Omnia Ascetica

Aucta Duobus Opusculis De Effectibus, Fructu, Et Applicatione Sanctissimi
Missæ Sacrificii, Et De Sublimitate Perfectionis Religiosæ. Catalogum
Tractatum Asceticorum Omnium Vicina Post Dedicationem Pagina
Indicabit

V. P. Gasparis Druzbicki, Societatis Jesu, Tractatus De Negotiationis
Spiritualis Industriis

Družbicki, Kaspar

Ingolstadii, 1732

VD18 90066367

Industria XIII. Actiones nostræ possunt locupletari per appropriationem
bonorum alienorum, præcipuè Christi, B. Virginis, & Sanctorum.

urn:nbn:de:hbz:466:1-45372

noctis) mensis, anni, Vitæ meæ præteritæ, præsen-
tis & futuræ commendo, easque Tuis Sanctissimis
manibus & meritis, & Gratiis, & donis exornan-
das, atque Sanctissimæ Trinitatis conspectui pro me
offerendas committo: quatenus enim a me sunt, in-
dignissimæ ejus conspectu sunt &c.

Qui ipse actus una cum unione operum no-
strorum cum meritis Christi depositioneque eo-
rum in manus tam Christi, quam Pretiosissimæ
Parentis repeti & conjungi potest sæpius in die
prolibitu, hâc vel simili formulâ:

*In manus tuas Domine JESU, & in Tuas, Pre-
tiosissima Parens, commendo omnia opera mea: hoc
præsens opus meum; illudque utriusque vestrum ma-
nibus & toti in Mundo conversationi unio; ornan-
dumque, & Sanctissimæ Trinitati offerendum trado.*

Vel hac aliâ:

*Omnes actus meos mihi JESU in vitâ, vulneribus,
& corde Tuo depono; ut in eo detenti sublimentur,
& sic digne Sanctissimæ Trinitati, Tuis, & Pretiosis-
simæ Parentis manibus offerantur &c.*

INDUSTRIA XIII.

*Actiones nostræ possunt locupletari per Ap-
propriationem bonorum, præcipue Christi,
Beatae Virginis, & Sanctorum.*

Ita res sunt conditæ à Deo omnium autore, ut
inter eas sit connexio quædam atque commu-
nicatio, quin & indigentia sui mutua, adeò, ut
bonum unius, sit bonum omnium, & bonum
omnium sit bonum unius. sicut vice versâ malum
unius, omnium malum est, malum omnium, ma-
lum est unius: ut ex hoc discant homines, nul-
lam

110.

Jam rem, nullam personam odisse; discant nulli, us malis insultare, nullius bonis invidere, non soli, lis sibi vivere natosque sese putare: item ut di, scant, bonis suis & perfectionibus suis, non soli, sibi bonos esse atque proficere, sed omnibus, ma, lis suis & virtutis atque exitiis ac detrimentis, non soli sibi nocere atque perire, sed perire omni, bus, & cum omnium damno: Item ut discant homines, non solos se curare, sed omnes; & sic pro se, ac pro omnibus, proque omnium bono sollicitos esse: sic pro omnibus proque bono omni, angeli, ac pro suo proprio. Item ut di, scant homines ex alienis bonis eundem profectum capere, quem ex suis propriis, immo aliena bo, na non reputare aliena, sed propria sua, eaque tanquam propria amare, appetere, promovere, tueri, augere, iis considerare, & per ea sese Deo commendare.

III.

Quod quidem præ aliis, hâc Industria com, mendamus. docemus nempe, atque suademus Spiritualibus negotiatoribus, hanc quoque usur, pandam ad profectum in spiritu, & meritis, & Charitate, rationem esse quæ fiat, per Appropriationem omnium honorum alienorum, eo, rumque tanquam suorum proprietorum, sibi ven, dicationem, & tanquam suorum Deo oblationem. Ut enim jam dixi initio, res ita sunt con, nexæ omnes inter se, ut sint vinculo quodam na, turalis Caritatis colligatae: atque ita sunt omnes mutuò, atque vicissim suæ & alienæ.

Accedit quòd Deus peculiari ratione omnia hominibus in ministerium & subjectionem dedit. *omnia enim, ait Psal. 88. subjecisti sub pedibus ejus;* que

oves & boves, &c. adeò, ut etiam ipsi Angeli mis-
si sint in min. serium hominum. Hebr. 11. 14.

Præterea ratione Christi Domini, qui cùm sit
Dominus omnium, & simul caput hominum,
donatus à Deo etiam hominibus, teste Paulo;
inde sequitur, ut omnia sint nostra, nos Christi,
Christus Dei; sequitur, ut qui nobis donavit
Christum, donaverit etiam omnia nobiscum illo.
Igitur cùm ita sint omnia nostra, & nos omnium,
sequitur, quod possimus nos nobis appropriare
aliena bona tanquam nostra, & aliis nostra do-
nare, tanquam eorum, absque ullo detrimento
partium.

112.

Ergo Negotiator Spiritu lis familiare sibi fa-
ciet hoc exercitium, appropriandi sibi, omnes o-
mnium creaturarum Essentias, proprietates, bo-
nitates, perfectiones, operationes, tam natura-
les, quam morales, bonas in entitate. Item ex-
ercitium appropriandi sibi omnes omnium crea-
turarum justarum atque sanctorum actiones, tam
viventium, quam jam mortuorum atque cum
Deo regnantium hominum, Angelorumque ip-
sorum. Item exercitium appropriandi sibi me-
rita & dona omnia, actionesque ac Virtutes, Pre-
tiosissimæ Parentis MARIÆ. Denique Exerci-
tium appropriandi sibi Christum Dominum, cum
omnibus opulentiis ejus. Vix enim ulla res est
æquè nostra ac Christus Dominus nostra, inquam
nobisque donata, nata, impensa, appropriata,
quod probare hujus loci non est, et si res suavis-
simæ Meditationis materiam contineat: maxime
si quis coni completur mysterium Sacrificii, Sacra-
menti & Passionis, thesaurorumque Christi:
proinde vix ullam rem justius, confidentius, uti-
lius,

liùs, honorificentiùs, potest homo sibi appro-
priare, per eamque ditescere, atque per hanc
JESU Christi Domini meritorum, thesaurorum,
gratiarum, Virtutum, actionum; passionum,
substantiarum appropriationem, usurpationem
& possessionem. Ut hoc exercitium jure opti-
mo debeat esse amatoribus lucri Spiritualis com-
mendatissimum; mirumque sit valdè, quòd non
sit usurpatissimum, cùm præsertim hoc unum
maximè Christus ipse desideret, nullaque ex re
majorem vel ipse capiat Voluptatem, vel nos per-
cipere velit utilitatem, & nulla nos ratione me-
liùs ac dignius fructum ex se capere posse ac de-
bere existimet, quam per hanc, de quâ loquor,
sui à nobis appropriationem, & cum eo sic nobis
appropriato, omnium nostrarum actionum atque
passionum, in divinum conspectum productio-
nem, earumque gustui Divino oblationem.

Cui namque dubium, Deo, qui *nihil odit eo-*
rum quæ fecit (ut ait Scriptura) *actiones nostras*
longè gratiore redi consortio actionum Christi,
ac meritorum & Gratiarum; itemque consortio
meritorum *Pretiosissimæ Parentis, Angelorum,*
Sanctorumque omnium; item consortio action-
num & bonorum omnium creatorum, quam
sunt, vel essent, ipsæ per se, cum solâ habituali
unione cum Christo capite. Multò namque est
efficacius illud consortium actuale, quam habi-
tuale. ac proinde ex eo dignitatis atque efficacie
& valoris in opera profluit amplius.

113.

Quòd cùm ita sit, consultum existimo uno
cuilibet Spirituali, uti hac appropriatione bono-
rum omnium, quæcumque in cæteris rebus repe-
riuntur, eorumque cum suis conjunctione, &
suorum

suorum per illa in Dei conspectu dignificatione, exornatione & locupletatione. Quæ quidem variè fieri in praxi potest. Nam vel possumus hanc appropriationem facere in genere & confusè, omnium scilicet bonorum, in crearuris existentium quocunque modo, vel possumus facere in specie, bonorum scilicet omnium moralium, vel possumus, certarum tantummodo rerum, v. g. tantum certorum Sanctorum hominum, tantum sanctorum hominum sed omnium, tantum Angelorum & Beatorum Spirituum Ordinum, tantum Preciosissimæ Parentis MARIÆ, tantum JESU Christi; vel possumus facere appretiationem omnium istorum simul &c. Et quidem, aliquando omnium simul, aliquando aliquorum, aliquando horum, aliquando illorum, prout devotione vel occasio poscit, ac animus volet. Appono hujus rei parigma aliquod, cuius ad instar additis vel ademptis aliquibus, poterit quisque simile pro semetipso confidere,

*Praxis appropriandi sibi omnia Bona creata,
Deoque illa ad gustum offerendi.*

DEUS cui soli humana corda loquuntur, & qui solus gratis salvare nos vis, potes, soles, debes, Ego N. paupercula creaturata, omnium tuarum quacumque, in primis autem rationalium Creaturarum, usque ad Angelos, usque ad Preciosissimam Parentem Virginem MARIAM, usque ad Sacrosanctam JESU Christi humanitatem procedendo, omnes in genere, specie, numero, Tibi quocunque modo placitas, aut in omnem æternitatem placituras, actiones, passiones, potentias, entitates, perfectiones, mihi nunc

ex

114

*ex dono Gratiae Tuæ, ex beneplacito Voluntatis Tuæ,
voluntariè & deliberate assumo, proprio, atque
ad purum & nudum gustum Dignissimæ suavitatis
& suavissimæ Dignitatis tuæ offero; illisque meas
etiam pauperculas, actiones, passiones, ac entitates
omnes conjungo: & tam pro hoc præsenti momento,
quam pro totâ vitâ meâ reliquâ, quam pro mortis
articulo, quam denique pro toto æternitatis cursu,
illas omnes cum hoc appropriationis actu habere
intendo, Tuæque summae Majestati, quantum digna
est, substerno, substernereque in æternum, & ultra
volo, Tibi DEO meo, sit honor ab omni & pro
omni creaturâ creaturæque atomo, in sæcula sæcu-
lorum. Amen.*

115.

Usus istius Appropriationis, esse varius pa-
terit apud virum spiritualem. Nam sive volue-
rit se ipsum ditare, sive actiones suas, passiones
que digniores apud Deum facere; sive Caritatis
actum in Deum, vel in proximum, vel in omnem
creaturam elicere; sive negligentias, imperfe-
ctiones, defectusque suos volet supplere; sive
paupertatem suam agnoscere atque confiteri;
sive spem in Christi & Sanctorum meritis collo-
care; sive aliquem Sanctorum speciali cultu co-
lere; ad id omne, & ad plurima similia, hoc
appropriationis Exercitium plurimum poterit,
spiritualem hominem adjuvare, ejusque conatus
apud Deum gratiore facere. Insuper & illud
observandum est, hanc appropriationem crea-
turarum omnium ad se se ab homine spirituali
utilius fieri posse, atque sanctius, si omnes crea-
turas, omniaque bona illarum naturalia, super-
naturalia, ornet imbuatque meritis JESU Christi,
eaque sic ornata & veluti ditata, significata, at-
que

que in fontibus Salvatoris tincta, sibi appropriet,
& appropriata, Trinitati Sanctissimæ secum &
ipse offerat, &c.

INDUSTRIA XIV.

*Possimus spiritualiter ditari ex Actionibus
atque Passionibus alioquin inutilibus futuris,
tam ex nostris quam ex alienis.*

SEquens Industria vicina est præcedenti, &
quodammodo particula illius. Est autem
in hoc posita, ut Spiritualis homo, crescat in
Spiritu & meritis, & in Gratiâ apud Deum per
nostra & aliena bona, & quidem in specie per
illa quæ sunt nobis & aliis alioqui mutilia, cuius-
modi sunt v. g. actus Beatorum omnium præte-
riti, præsentes, futuri. item actus omnes boni ex
se, & per accidens mali. item actus boni eorum,
qui sunt in statu peccati, actus quoque naturales,
indifferentes, otiosi, & in finem bonum superna-
turalem non directi. Cujusmodi actiones atque
passiones plurimæ sunt, non tantum in omnibus
creaturis, sed etiam in unaquaque creaturâ indi-
viduâ, & in unoquoque nostrûm.

116.

Ex quibus omnibus vir Spiritualis & bonus
Negotiator, si sapit, fructum capere potest, ap-
propriando eos sibi, & in finem supernaturalem,
Caritatis, Dignificationis & gustus DEI, illos
sublimando atque dirigendo, & unâ cum suis pro-
sevel pro aliis Divinæ Majestati offerendo, con-
secrando, suos defectus supplendo, Caritatem
suam, liberalitatem in Deum per hunc modum
contestando, nihil à Dei laude, atque beneplaci-
to va-